

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO SANSKI KANTON**  
**OPĆINSKI SUD U BIHAĆU**  
**Broj: 017-0-Su-25-000346**  
**Datum: 10.04.2025.godine**

**- ODLUKA O IZBORU NAJPOVOLJNIJEG PONUĐAČA -**  
**KONKURENTSKI ZAHTJEV ZA DOSTAVU PONUDA**

Na temelju člana 64. stav (1) tačka b, člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14 i 59/22), na Preporuku Komisije za javnu nabavku, u postupku javne nabavke roba – kancelarijskih vrata sa ugradnjom, Predsjednik suda donio je:

**ODLUKU**  
**o izboru najpovoljnijeg ponuđača**

**Član 1.**

Prihvata se Preporuka Komisije za javne nabavke, broj: 017-0-Su-25-000346 od 09.04.2025. godine i Ugovor za javnu nabavku roba - nabavku kancelarijskih vrata sa ugradnjom, za potrebe Općinskog suda u Bihaću, dodjeljuje se ponuđaču **Yavuz Company d.o.o Srebrenik, ponuda broj: 24-03/25, za ponuđenu cijenu 29.500,00 KM bez PDV-a.**

**Član 2.**

Izabrani ponuđač dužan je u roku od 5 (pet) dana od dana prijema ove odluke dostaviti originale ili ovjerene kopije dokumentacije iz čl. 45. Zakona o javnim nabavkama.

**Član 3.**

Prijedlog ugovora o nabavci roba dostavit će se na potpis izabranom ponuđaču Yavuz Company d.o.o Srebrenik, po proteku roka za žalbu na ovu odluku, računajući od dana kada svi ponuđači koji su učestvovali u postupku budu obavješteni o izboru najpovoljnijeg ponuđača.

**Član 4.**

Za izvršenje ove odluke zadužuje se i ovlašćuje odjeljenje sudske uprave Općinskog suda u Bihaću.

### **Član 5.**

Ova odluka će biti objavljena na web-stranici ovog suda, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

### **Član 6.**

Ova odluka stupa na snagu danom donošenja i dostavlja se ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

## **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 017-0-Su-25-000346 od 12.03.2025. godine.

Javna nabavka je provedena putem konkurentskog postupka za dostavu ponuda.

Procijenjena vrijednost javne nabavke kancelarijskih vrata sa ugradnjom je 31.000,00 KM bez PDV-a.

Komisija za javnu nabavku imenovana je Rješenjem broj: 017-0-Su-25-000346 od 12.03.2025. godine.

Dana 13.03.2025. godine Komisija je donijela Poslovnik o radu.

Obavještenje o nabavci objavljeno je na Portalu javnih nabavki dana 20.03.2025. godine.

Komisija za javne nabavke dostavila je dana 09.04.2025. godine Zapisnik o pregledu i ocjeni ponuda, broj: 017-0-Su-25-000346 od 02.04.2025. godine, a koji sadrži Preporuku o izboru najpovoljnijeg ponuđača.

Nadalje se konstatuje da su po pozivu za dostavljanje ponuda u ostavljenom roku dostavljene tri ponude, da je dana 01.04.2025. godine održano javno otvaranje ponuda, sačinjen Zapisnik o otvaranju ponuda te isti, istog dana putem elektronske pošte otpremljen svim ponuđačima.

Dana 02.04.2025. godine sačinjen je Zapisnik o pregledu i ocjeni ponuda u kojem je konstatovano sljedeće:

- da je ukupan broj pristiglih ponuda 3
- da su sve ponude blagovremeno zaprimljene i to:
  - MK Alu Plast d.o.o
  - Yavuz Company d.o.o Srebrenik
  - Stolarija Kendić d.o.o Velika Kladuša
- da su sve ponude prihvatljive.

Nadalje se konstatuje se da je dana 07.04.2025. godine održana e-aukcija, te da je po okončanju e-aukcije najprihvatljivija ponuda, ponuda Yavuz Company d.o.o Srebrenik za iznos od 29.500,00 KM bez PDV-a.

U postupku ocjene provedenog postupka, predsjednik suda nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama i tenderskom dokumentacijom.

Iz navedenih razloga, primjenom člana 64. stava (1) tačka b) Zakona o javnim nabavkama, odlučeno je kao u dispozitivu.



**Predsjednik suda**  
**Aladin Bajrić**

**POUKA O PRAVNOM LIJEKU:**

Protiv ove odluke može se izjaviti žalba,  
najkasnije u roku od 5 (pet) dana od dana prijema ove odluke.